

## ◎我安南民族南進之歷史

阮伯卓

我人今日生聚於此國土上。龐然爲一大民族。民數約二十兆人。占有中北南三圻三十萬二千方吉羅米之地。爲東法區域中頭等之一國者。吾人其曾念我民族從前經營此國土之能力爲何如乎。今日爲中南北三圻之主人翁。以受庇於大法保護之旗下者誰耶。卽我安南之民族是也。借問我等何以能於今日爲此國土之主人翁耶。非是於天造地設之初已有平原大道。美野膏田。使我民族世世占有。以坐享其利也。蓋由來原爲深山叢林之區。禽獸所巢穴。蠻獠所占據。而我民族之祖若父相率來此。除毒蛇猛獸。驅逐蠻獠。又因之開山鑿河。破林莽。墾荒蕪。通道路。建家屋。於是而居聚焉。而蕃殖焉。而傳及苗裔。雲仍至于今日。我等鑿井而飲。耕田而食。熙熙皓皓。爲一國土之民族。爲一國土之主人翁者也。觀此則占領天地間之一區荒土。以利用之爲殖民傳世之產業。至今蕃衍而不滅。歷年而長存者。我民族之能力亦可謂強盛矣。

今欲證明我民族之能力。則當考我民族之種。及我民族所居聚的國土之變遷歷史。

古來居聚此國土之上。其種族不一。在上游則有爲蠻獠台藍等種。在中圻則有爲占城人種。在南圻則有爲真臘人種。而今日爲此國土上之代表。則惟我安南人種爲獨盛。

今試言安南人種之起源。我安南人種卽黃種中之一族。一說我爲蒙古人種。一說我爲馬來人種。然皆不足爲確。今稽之紀載。證以耳目所及。則南蠻人種爲我國人種之原素。按禮記南方曰蠻。雕題交趾。題額也。雕刻也。史記黎李辰軍士悉鯨其額。曰天子軍。此雕題之證。交趾余少辰見有一二遺老兩足大趾開拆相交。不能著鞋。此爲交趾之證。漢辰別我國爲交趾郡。蓋亦以此。

我民族雖爲南蠻種。然其後又混化他種。而成爲今日之安南種。其混化者屬何種乎。卽北國之種是也。今言我民族混化於北種。則無亦議。余爲此言者。將啓國人以感舊之想。復蹈從前崇仰北國之覆轍乎。曰。非然也。人種別是問題。國家主義與民族生活。又別是一問題。不以人種之關係而犧牲其國家主義與民族生活也。觀於歐戰。則可知矣。吾人今日欲言競爭經濟上之發展。並欲排除昔日臣服北國之陋想。有何不可。然於與中國人種混化之事。亦無須諱言。何則。混化自是混化。競爭自是競爭耳。更進一層言之。中國地大物博。爲世上最美之市場。歐美各國。猶以親善主義。求霑其利益。何況於種族上有關係之安南民族。粟米於是發售。貨物於是取輸。只患我無才耳。何必離親叛友。以自爲得計哉。深思乎此。則與北種混化之說。亦可承認。毋須深諱者。

余之承認與北國混化者。可略舉數端以證之如左。

一證之於容貌。——今日我國人與中國兩粵之人。除衣服齒外。毫無差異。此一證也。

二證之於聲音。——日本暹羅語。俱多複音。惟漢語則多單音。又成語皆先動詞而後名詞。如食、飯、飲酒、開門、上樓之類。以我國音較之。無不天然融合者。此混化之證又其一。

三證之於姓氏。——我國原非漢音。必有一種特別之姓氏。如占城人姓乍。姓蓬。姓籠。土蠻。長姓。車姓。琴之類。又如我國陳辰人有昭義侯姓員。有明尊小臣姓爵之類。皆我國人原有之姓氏。今日此等姓氏。俱湮沒無存。而所存姓氏。又皆爲漢人之派系。此混化之證又其一。

四證之於記載。——屬漢紀。漢武帝誅呂嘉。開九郡設刺史。徙中國人雜居其間。——李賁其先北人。西漢末避居南土。七世至賁。遂爲南人。——浙江人胡興逸。五季辰來歸。因邑演州。至四世孫爲胡季聲。

陳太尊元豐七年。宋土官黃炳挈家詣闕。進其女。復以屬部千二百人來附。

凡此之類。皆我民族混化中國種之確證也。然我民族雖有中國人種之混化。然亦因其隣於中國民族。而使我受其侵掠之苦者。不知凡幾次。今試卽我國土變遷之歷史觀之。

考歷史記載。則鴻龐辰。我國東夾南海。西抵巴蜀。北至洞庭。南至胡孫。其屬在南者曰越裳氏。然此特後世臆說之辭。不足引爲確據。惟考史載貉龍君封其長子雄王爲文郎國王之辰。則文郎國分爲十五部如左。

朱鳶、福祿、今山新興、武定、今太原高平、武寧、今北寧陸海山、今諒寧海安寧海、今廣陽陽泉陽、今海安交趾、今河內安寧平九真、今清化懷驩、今乂安

九德、今河靜越裳、今廣平平文、不詳文郎、今永安省之白鶴

觀此則當初之我國民族所占領者。北自太原高平諒山廣安。南至于廣平廣治。其辰則在紀元前約二千年也。趙陀之辰稱南越國。則又兼中國兩廣之地。而建蒞所於廣東以治之。至紀元前百十一年。漢武帝使路博德及楊僕攻趙取南越。分爲九郡如左。

南海、今廣東蒼梧、鬱林、今廣西合浦交趾、今中圻九真、今真日南珠崖、儋耳、今海南

觀此則漢武平南越設九郡之辰。我國地分惟有三郡。今真日南以漢志戶口數計之。交趾九真日南

三郡。在漢辰戶共十四萬三千七百四十三戶。人口共九十八萬一千八百一十八人。

考撫邊雜錄

漢征趙陀之後。刺史之蒞所在交趾地之龍編縣。兼統兩廣。至于吳孫權。紀元後一百十年分爲廣州與交州。交州之管轄。卽占有交趾九真日南越裳之地。考其版圖。則北接兩廣。南接真臘。爲地界極廣之辰。

代然我國之屬中國也。中國只侵蝕我北鄙。而南方又視爲寥闊之地。徒誌空名。任他種所占領。不曾爲我民族謀保存領土之計。觀如內屬六朝之辰。北方之廣西七府沒入于中國。至於唐末。日南又并爲林邑。其後淪爲占城。遂使我國所有之地。只北界廣西南界林邑而已。噫。中國之保護我。既不能使我國土之擴張。而又使我國土之減縮。是可證中國保護人國。寔無有締造人國經營人國之能力。蓋中國對於我南人。亦不過與占城同視耳。况力分則制馭之道更易。培植占城別爲一國。使交趾不守。猶可借占城之響應。以擾我南邊。亦中國對付我國之政策也。觀如李仁尊辰宋將郭達約占城真臘分道攻我。可見已。

內屬之辰。其國土既減縮如此。而後乃能增廓而廣大之。以成今日東法中之一大國。此乃由於非內屬辰期。我民族自爲擴張之能力。卽本說所謂爲我民族南進之歷史是也。

南進者何。卽向南方而伸展其領土之疆界。質而言之。卽我民族於交趾九真日南三郡之地。既不足以居聚。乃征占城。取真臘。移居南方。以增廣殖民之地。計自李朝以至本朝。纔八百餘年。而能使國土增加至二倍也。我民族之南進者。乃由於國土之位置。東則界海。西則一帶森林峻嶺。或爲嵐瘴之地。或爲蠻獠之區。其經營匪易。北則隣於一大強國。常被其侵掠。雖經抗拒。亦不過僅足以保北圻之境土。脫北國之牢籠。若言夫擴張之道。寔無餘地。故欲擴張國土。惟有南進之策。最易爲力。南進然後西進。此等思想。安知歷朝英君猛將。及我祖先之雄心。不計及此。然自我們屬大法保護之後。而我國人對於國家之觀念。似均諉之保護國家作主。進之與退。想吾儕今已不復注念。況勢亦不能越分以籌也。故將來之事。殊難預知耳。今吾儕只就從前我民族南進之能力言之。

我民族自丁李以前。

近今千年

所居之地爲廣平以北之地。前已言矣。內屬中國之辰。雖兼有林邑象郡。即順廣之地。仍所謂林邑象郡者。特不過爲中國之屬耳。於我民族無預也。我民族從事於南進之辰。惟李

之辰始卽由我民族獨立以後之辰代是也。

今先言占城之地。一占城地。卽自廣平至平順之地。秦漢爲象郡。漢末區憐殺縣令。因象郡之林邑。縣自立爲林邑王。據水經註。則林邑王居典冲城。大約在慶和平順之地去海四十里。自日南四百里外沿山而行。林木蔽天。至其境則海傍風沙。終日不見一人。區憐傳國于外孫范熊。其後范文篡位。文以林邑田少。日南地肥。故於晉咸康三年。七年率衆北侵。殺太守侯覽。奄有象林境地。遣告交州刺史朱藩。願以日南北鄙橫山爲界。五代宋元嘉。四年其王范陽邁又北侵日南。九真漸致單弱。交州刺史檀道濟發兵討之。陽邁乞和退林邑。李佛子之辰。其王范志復北侵併日南。唐貞觀時。其王頭黎死。國人立其姑子葛地爲王。更號環王。國唐都護張舟擊破之。遂棄林邑徙國於占。唐末黃巢之亂。嶺表多事。愛州則楊廷藝起而獨立。林邑亦乘虛北侵出橫山界外。於烏州築一城名佛誓城。卽今之承天香水縣月瓢社。至西曆九百五十八年。中國周太祖辰來貢中國。稱爲占城國。佔有廣平以南至平順之地。築闕槃城。卽屬今平定省綏遠符吉二縣之地。觀此則自西曆一百三十八年。區憐自立爲林邑王。漢順帝永和三年以至於西曆九百五十八年。共八百二十年之間。屢次北侵。雖中國刺史朱藩。檀道濟。曾興師討伐。然不能佔據其地。而郡縣之卒之彼又能北伸至橫山界。而別成爲占城之國。噫。占城民族想亦非劣種也。今吾儕試遊觀廣南之美山的建築。則知彼民族昔辰之文化何如矣。雖然。彼民族之能力既如此。而卒之我民族又能滅其國佔其地。取而代替之。使占城國號僅存歷

史上之名辭。而橫山以南都屬我越民之領土。是足證明我民族優美之能力爲何如也。今且言我民族之征服占城者。前者已言我民族佔據占城之時。乃屬我人獨立之時期。蓋惟此時期而擴張國土之功業方有成效也。考史載西曆一千四十二年。李太尊天感聖武元年。帝自將伐占城克之。斬占主乍斗。引兵入佛誓城。俘乍斗妻妾及宮女之善歌。西天曲調者。還至蒞仁即今里仁召占妃媚醯進侍。妃云。蠻妻俚婦不類姬姜。國破夫亡。自分一死。卽以氈自纏而死。中圻議長總督阮文邁公草南風史。綴以一句云。Dẫu ai sang cà mắc ai, thàn này nước chầy hoa trời sá gi. 謂媚醯之貞節正有類是。夫佛誓城遠在承天。而李太尊時親征。直搗其巢穴。則其冒險也可見。

隔此二十七年。李聖尊神武元年。自將伐占。擒其主制矩以歸。制矩獻地哩麻令布政三州以贖。請歸國許之。麻令今廣治明靈由令二縣布政今廣平平政明政布澤三縣是爲廣平南半省。廣治北半省入我版圖之始。

西曆一千七十五年。李仁尊太寧四年。命李常傑行邊。圖畫三州之地。改地哩爲臨平州。麻令爲明靈州。招民居之。陳英尊興隆十四年。一千三百零六年以玄珍公主嫁占主制矩。占主獻烏哩二州。改爲順州化州。遣段汝諧往招諭其民。設官管治。是爲承天府。入我版圖之始。世人謂承天一省爲玄珍公主之聘禮。夫以一柳蒲之身。而得一省之代價。今日覩香江屏嶺美好之河山。則愈令人思及玄珍公主者也。至英尊二十年。親征擒其王制矩。至封其弟爲王。而占與我有隙。

陳裕尊之時。一三六八因裕尊日事荒遊。不思振興。而占主制蓬峨富有才略。故鍊象兵。習戰將。欲興師爲雪仇之舉。曾舉兵索還化州。及由海道往攻昇龍城者數次。噫。此時亦占城強盛之時也。而我國亦於此時派杜子平爲鎮守使。繕化州城。睿尊隆慶三年。一三七五因占城寇化州。睿尊決意親征。乃

督清化乂安及新平人治道路。自九真至河華。又命黎季犧督乂安新平順化漕運。睿尊自統軍水步兼進日麗海口。

原臨平改爲新平

即廣平之洞海

以大兵屯住練習于此。

一三七七年官軍入平定之施耐海口。又直往攻闔槃城。因制蓬峨假降之計。而睿尊陣亡。自此而後。占城或則由海道。或則由山道。屢犯昇龍城。勢甚猖獗。使上皇藝尊及廢帝棄城而走者數次。噫。此時我民族之勢力。其削弱亦甚矣。幸而陳渴真海潮江一戰。仁及仙侶二縣屬興安省之興能敗死。占主制蓬峨。而占城之禍稍舒。順尊光泰一三九一四年。命黎季犧領兵巡化州。閱定軍伍。修造城池。及季犧篡陳而興。改姓爲胡。稱帝未及一年。讓位于其子漢蒼。胡漢蒼紹成一四二三年三月。修治道路。自西都城至化州。沿途置郵傳。謂之千里衢。是年六月。遣其將杜滿擊占城。大軍至占界。占將制叱難戰死。占主大懼。獻占洞之地。請退師。占使至季犧逼令改表。並獻古壘洞。因分其地爲升花思義。卽今廣南之昇平府及廣義之思義府。其源頭設爲新寧鎮。今廣南之旃檀汗榔秋盆之地此爲廣南廣義入我國版圖之始。及胡爲明所滅。而升華府復被占人割據。州縣徒建空名而已。

黎太祖一四一八起兵藍山。先收復乂安新平順化等城。而後出東都。丁未年一四二八遣降人領馬三百五十七匹。往化州牧養。又分所獲北人於新平順化等處安插。

仁尊太和四年一四四六。大舉伐占。直抵施耐海口。攻破闔槃城。擒其主貢該。立貢來爲王。而是時順化之鎮守使黎隻公。方專力於招流遺勸農桑。練士卒。固封守。以勵行南進之政策。至洪德元年一四七〇。帝自將伐占城。進兵圍闔槃城。俘三萬餘人。擒其主茶全。拓地至石碑山。其將通

持走至藩籠據之稱。占城王遣使稱臣入貢。乃封爲王。又封花英翠果南蟠二王。火舍即水舍。凡三國以羈縻之。是爲平定富安入我版圖之始。一千五百五十八年黎英尊時本朝化其時。占國所存僅石碑以南之地。本朝太尊孝哲皇帝一六四八攻破占城取石碑至潘郎之地置泰康營。即今和省潘郎以南至潘里猶爲占城國至設爲順城鎮。即今平順而占亡矣。是爲慶和平順入我版圖之始。

計自李太祖天感聖武元年至本朝

顯尊孝明皇帝共六百四十九年。對於占城其間雖遇南北屬之時。爲北國官吏所放弛。或遇國運微弱如陳廢帝之時。被占城之跋扈侵擾。然南進政策卒能達其目的。遂使北夾橫山南夾真臘之占城故墟。終爲我民族所有。由是而墾闢之教化之使我民族之領土日以式廓。我民族之生聚日以衆多。是亦可想見我祖我父三四百年以前擴張國土之能力。然就攻取占城的歷史而回思彼國既有此等人民土地政治法律而卒爲人所滅。優勝劣敗之公理。寔可引爲鑑戒矣。夫我南攻取占城之歷史既如此。而經營占城之歷史則何如今試從史冊所紀載略敍其經理占地之大略如左。

廣平設官自陳中葉。順化設官自陳末。廣南設官自閏胡。然皆但設空名。其地仍交土人管長。蓋卽今日保護之榜樣也。黎洪德以後。雖設官頗重於前。然猶以土人與我人分理。至本朝

太祖始純以我人君其地。官吏皆用我人。一切主權盡爲我有矣。李仁尊太寧四年。設臨平明靈州招民居之。爲我民南徙之起點。胡開大元年遷諸路民無田而有

財者遣往升花並與本路遺民編爲軍伍。黎正治元年我朝太祖公入鎮順化宋山鄉曲及清乂義勇多挈眷以從者嗣後歷朝北伐必掠取乂靜民以歸墾闢其地且因占人頑梗難馴我歷朝困於攻伐遂行掃蕩之策盡以我人移植占地自辰厥後人丁繁阜田地大拓今日化爲中州皆本朝列聖之功也然當時計在生聚文教未遑史載黎景興三十八年詔開順化鄉試場鎮臣吳俅上言順廣久經兵火學業荒廢未見有應覈者亦可見當時之風化矣雖然文花之習未啓武勇之質獨優殉義急公宜於戰鬪本朝列聖所用以抗鄭平綿西山時所用以驅逐清寇皆此中人也噫數百年間身移邊外仁披荆斬棘之勞又對於祖國之原有河山盡禦侮折衝之義順廣之各先民乎殊亦已盡勞瘁於我國土者也

占城既破矣繼之以真臘蓋不達南海之濱則我民族南進之功未完也今更進言夫我民族進取水真臘之歷史現今之南圻卽昔時之水真臘而現今之高綿則昔時之陸真臘也真臘前古之歷史據中史所載不得其詳故姑從略茲只略考中世以來之歷史李太祖順天三年一二由我國李氏自主真臘始來貢三年一遣使後竟與占數寇乂安惠尊時遣李不染擊敗之遂絕不貢本朝入鎮順化因占城附郭特先經理真臘猶後至

太尊孝哲皇帝十年

一六

真臘王薨

五七

率衆三千戰船三十直投思賢沱湧二海口。自陳義不臣。清願爲臣僕。本朝方留意開墾真臘之地。故納之而居。揚彥迪等於美湫居陳勝才一名陳於盤鱗。今屬邊和使之闢林莽立廟市。

顯尊孝明七年九一六七初置爲嘉定府。命阮有鏡經略其地。招集布政以南流民居嘉定府立爲社村坊邑。唐人居鹿野。鎮邊即今邊和者爲清河邑。居藩鎮柴根者號明鄉社。疆界分畫始於是云。原前年因黃進

與臘構釁。臘正王匿秋叛築碧堆求南。南榮三壘。鐵鎖橫江自守。副王匿嫩告變。命萬龍統兵討之。弗克。遂命阮有鏡督平康鎮邊二營及龍門將士陳勝才餘黨分道擊之。匿秋走立其子匿深代。

其時又有明遺民鄭玖義不臣。清避居真臘。招民立七社。謂之河仙。一七〇八年鄭玖請附。

本朝封爲總兵。守河仙地。鄭玖卒。本朝又封其子鄭天錫爲都督鎮河仙。天錫築城壘。開道路。設市場。並延師教導其人民。辰貞臘屢變亂。匿秋及其子匿深則借暹羅之聲援。而匿嫩之子匿俺則借我阮朝之聲援。彼國因王位爭立之故。而我國出援之師亦屢遣焉。如一七一四年陳上川及阮久富引兵爲匿俺解圍於羅壁城。及一七八八年派調遣阮有允以匿婉他返國是也。

一七四九年匿深之子匿原引暹羅兵攻他而王其國。又舉兵侵岷蠻。即占城人之駐居真臘者並北與鄭王通以攻本朝。一七五二年孝武皇帝乃派統率善政參謀阮居貞調五營將士攻匿原。翌年原敗棄南榮城。走河仙。依於鄭天錫。後年天錫上書。本朝謂匿原請獻尋奔雷臘之地求贖罪。阮居貞亦上疏謂拓地之舉宜用蠶食政策。孝武遂準其請。認二府之地。以原歸真臘。匿原死。其族叔匿潤請獻茶榮巴忒之地。求權監國事。潤尋爲女婿匿馨所弑。潤之子匿尊奔河仙。鄭天錫請以尊襲封。許之。令天錫與五營將士送之回國。尊乃獻尋楓龍之地。并割香澳、芹勃、真森、柴末、靈瓊五府謝天。

錫天錫並獻于本朝。張福猷阮居貞請移龍湖營於尋泡處。即永隆治於沙的處設東口道前江設新洲架龍川二道而南圻六省之地全屬

本朝所經理焉。

西山之變我

世祖因志圖恢復中土故陸真臘未暇謀及然於與西山對壘之時亦借南圻六

省之地練兵蓄銳且因之而謀生聚教訓之道焉及

世祖得國之後六年一八遣使賚勅宣封

錫陸真臘以國印其文曰「高綿國王之印」定貢例隔後四年因暹引兵攻羅壁

世祖以書責

之暹答書謝過嘉隆十二年派黎文悅以一萬兵會同暹兵迎匿禎回國築南榮城以居臘王又派

阮文瑞率兵千人留南榮城爲高綿之保護蓋

本朝之意原視高綿爲手中物姑羈縻之以求混

化及待南圻六省土地已盡闢人民已繁聚之日然後謀經理高綿之政策但此後因派遣之官吏

不得其人故保護高綿之功未能收獲效果而適遇大法保護之局

今試就本朝經理南圻之事跡考之本朝

列聖之開拓南圻者或則借中國之流民或則招占城之遺種如阮居貞招岷蠻獲其男女五千餘人或則遷南義之民以徙居其地迨

世祖收復嘉定之日方利用

其地爲根據點分爲藩鎮鎮邊鎮永及鎮定四營命文臣鄭懷德黎光定吳從周黃明慶等十二人

爲田畯以督率開墾耕播之事又發田器牛畜於軍士及民衆使之墾治荒地謂之屯田收成之日

以其粟米入公庫謂之屯田庫凡文武官須募農民成隊謂之屯田隊平民則募得十人以上者準爲該奇除搜役其辰南義平富之民多樂應募焉

夫真臘有國據史傳則當漢章帝建初二年戊寅

西曆七九

其立國非不古也且又有文字焉有國統焉

有政治焉。有尊教焉。今考安古寺帝釋之遺跡則知真臘民族從古之文明爲何如也。然我民族能始而招服之。繼而佔據其國土之半。終又爲之保護主人翁焉。雖其功未竟。而自世祖。纔一百五十年。遂使水真臘之民族不得不徙而西。水真臘之境土。終爲我所有。且又墾闢其土地。生聚其人民。倚之爲立國之基礎。至今日之日。又憑此地爲財貨之富源。觀此則我民族之力。及本朝開拓南服之功業。不誠偉大耶。

由上觀之。則我亞洲大陸之南方。於未分交廣之前。兩漢所統治者。特兼嶺南九郡而言。謂之爲我國原有國之土地。殊未當也。至孫吳辰。始劃交趾九真日南之地爲交州境。其他南海蒼梧合浦鬱林瓊崖之地爲廣州境。

廣州兼有五郡之地。而不能脫於東亞大國之範圍。若我交州。則僅有三郡之地。卒能獨立爲一國。此足見昔辰我民族有自立之能力。自李聖尊舉兵南征之日至本朝世祖。纔七百三十餘年。而使南方經有歷史有文化之兩國。其土地爲我所郡縣。其種族爲我所混化。使我之國土增多三分之二。昔日之河內昇龍城。原爲國之中心點。而今日則已偏於北境。以中圻之承天都城爲宅中之地焉。我民族之先民。在此國土上所負擔之重大責任。所締造之光榮歷史者。有兩事。爲捍禦北寇。與開拓南服是也。於七八百年之間。一方面則捍元兵擒胡寇。一方面則滅占城割真臘。柳風沐雨。棲山涉河。注幾許之血之汗。以保存及擴張三十一萬二千方吉羅米之國土。Non cao ai dǎp mǎ gǎo, sòng sāu ai bōi ai dǎo mǎ sāu。吾儕今日披國土之地圖。當亦思念古昔先民之功業。而不忍抹殺我民族爲弱種云者。

我民族於此國土上。纔經過擴張佔有之辰期。而未暇及經劃布置之法。近今幸賴有大法保護。爲之贊助。如道路之交通。險阻之疏鑿。市場之設立。海港之建築。及其他經理土地之事云云。雖然今日保護政府之爲經理者。乃關於新辰代文明之形式。而昔日我祖先所締造之事業者。乃關於一民族進取之精神。今吾儕試遊歷中圻之橫山及海雲兩雄關。雖石道苔封。壘門空洞。然日覩此茂林峻嶺之形勢。宛然見我民族之魂。飄揚磅礴於其間。吾儕試泛舟以遊芹蔭汎富國島。日擊此萬家煙火。一帶平原之光景。則足見我祖先留貽後人之功烈。 *Mǎng giang* nǚ cá nganh nguồn, dến day nen phái bǎn buôn mua vui. 梗源之魚乃廣治源頭之魚

(梗源之魚乃廣治源頭之魚) 閱此謠可以知昔辰列聖入鎮順廣。率清父民以屯營於廣治之光景。 *Thương anh em cung muôn vò, sờ truong nhà Hồ* *sờ phá Tam-giang; phá Tam-giang ngày rày dà cạn, truong nhà Hồ Nội-tân cảm-nghiêm.* (串茄胡即胡舍社屬廣治通之大礙。本朝顯尊辰命內贊官阮科登經理胡舍。除林莽。緝盜賊。商旅便利。又于三江別開港道。濱江以殺水勢。舟行稱便焉。) 閱此謠可以知本朝經理中圻道路之光景。 *Nhà bèn nước chảy phản hải, ai vè Gia-dịnh Đồng-nai thời vè.* (本朝移順廣之民往南圻以墾闢其土地。) 閱此謠可以見當辰移民南圻之光景。吾儕生於今之日。或覩變遷之形狀。或聞里巷之歌謠。亦足以證我民族古昔之魂。况乎承天京城之宮殿陵寢。我祖我父既勞神苦思。慘淡經營。以爲我民族垂示文明之表號。使他國之人過都歷境。猶得證之曰。此古國也。此舊文獻之民族也。噫。前人進取之勳業。留貽之恩澤。不誠浩大耶。

吾儕今日或則自命其爲新辰代之人物。或則自負其有新文明之思想。而坐嘆古昔爲腐敗樸陋的。譏評我民族性質爲薄弱的。噫。凡爲此言。無亦屬於蔑古與自棄之談。不然亦不過等於無意識。

之評諷耳。使我先民爲腐陋的爲薄弱的無自振自立之能力。則想我國土從前亦與廣州南詔同辰混入中國地圖。國名於何有而且也。誰其揭殖民之旗。開先鋒之路。使我等子若孫得遵海而南。收南義桂糖之利。燕巢之貴。食同犯之粟米。嘗富國之魚鹹乎。興思及此。則我不當輕蔑我民族。譏評我古人。及指議昔辰我國之君若官者。

我等試披歷史上而觀之。古辰仁君賢相。仁護持我民族之責。代不乏人。無論逐元擒胡關於自衛。而卽如徵女王之取嶺南。李常傑之陷欽廉。雖北侵之志未遂。而其勇烈之氣猶足使北國消弭其侵凌人國之心者也。又無論如李陳列帝之親征占城。黎朝光順洪德之移民順廣。列聖吞併占臘之政策。此乃關於南進之計劃。而卽如陳朝阮忠彥之磨崖紀功於牢境。屬乂安至襄陽府黎仁尊之攻存盆蠻以地爲歸台州。平一帶上游黎聖尊之攻老撾略地至金沙河。即湄公河又攻盆蠻置爲鎮寧地。雖因崇山茂林之險。未能著西侵之成績。然進取冒險之氣。誠令人所難及也。

噫。吾儕今日繼承我祖父之業。又依託於保護之旗下。賴有我祖父繙造之功。而我等方得踐土食毛。鑿井耕田於此國土上。不爲毒蛇猛獸所傷。蠻獠台藍所擾。賴有保護開化之澤。而我等方得陸而車焉。水而舟焉。履坦直之途。集繁盛之市。外無寇匪。俾我得爲安居樂業之一太平國民。然則我當如何自勉自勵。以盡後起之責。仁以繼續我祖父未完之功業者乎。前者已言我國自本朝。世祖以前。乃開拓之辰期。而未及整頓之辰期也。際整頓之辰期。又適遇大法保護我國之日。則整頓之事功。我民族當靠倚保護國代爲經理。此固然矣。然大法政府。乃以人道博愛主義爲我前導。及爲我護命耳。其自奮自勉。當在我民族之自身。

然則我同胞宜繼紹祖父未完之業。而思如何以粉飾文花我祖父所留貽之國土。無自侮自棄。以失我民族勇敢進取之性質。學焉者保護師既爲我示其矩範。則我當自己研究其有益之前途。不徒曰置身學界。不過爲他日覓位置謀衣食。而於我民族之進步無絲毫關係也。農焉者工焉者商焉者。保護師既爲我示其法式。開其門徑。則我亦當講求其謀生之路。使有利益於我民族之寔業。之經濟。何以利用此國土上天然及人爲之物質。而增進出產之額。收外洩之財。無徒曰謀些小之營業。圖自贍之生計。或別覓途徑。以包佔何等之利權。而自謂營生之道。此爲已足也。

今日之日。非吾儕僅利用此國土以謀身家快樂之辰。正吾儕當利用此國土以謀社會利益之辰。欲達此社會利益之功業。則宜固結我民族之團體力。然所謂固結聯絡者。當必有寔行之事功。以繼乎其後。歐西之社會何如。余未之身親體認。然東亞日本中國之社會。鄙人曾目舉而耳聞之矣。彼國人於團體力之聯結。除屬於無意識之酬酢往來外。曾無有僅有聯絡之虛文。而無有聯絡之寔事者。凡國中無論學界、商界、工界。既結一遊歷團。以遊行於某一地。或旣開迎歡會。以接洽某一團體。則必有一學會。或一商會、一農會、一工會。隨之而發生。不必待遊罷之後席終之辰也。然我國二三年來。南北聯絡。爭商合羣之風潮。亦屢見不一見矣。介使滿乎道路。遊記遍乎報章。其鋪張之虛文。則有之矣。而其行爲之寔際。則未見有何機關。可以爲對我民族謀進步之團體也。是故鄙人請有一語。以敬告諸我同胞曰。吾儕若欲鼓勵我民族進取之性質。若踐行我民族未完之功業。欲締造我民族將來之前途。則當固結我民族之團體力。而其固結聯絡之道。請不徒施於虛文的。而必求於寔際的。

佛教略考

## ● 佛教略考（續二）

越文原著 參觀第一

四十期

楚狂譯

五六

佛至舍衛。人民就觀者甚衆。波斯匿王王原與佛同日誕生聞此消息。不之信。蓋不意佛春秋方富而已得道。乃親往觀之。并對於佛道有所質問。佛爲之說法以釋其疑。此次說法一篇。稱爲少年經。或少年鏡。乃佛祖最著名之文也。

佛不歸故鄉伽地羅城已逾六年。王父與家族及全城之民。屢屢請求佛。乃歸。衆甚歡迎。佛已出家。故不復涉足於宮殿。與其弟子住居尼陀園。自佛已歸。城民渴願從道。人均有出家之志。貴胄名流亦願出家受戒。王父亦讓位而修行。佛書述當時伽地羅城男子出家殆盡。婦失其夫。子失其父。嘆哭之聲。徹於戶外。佛乃設法限制之。每一家只得一人受戒。而凡幼稚者須得父母之許可。方能受教。佛在伽地羅城所濟度之弟子中。有弟難陀子羅猴羅族弟亞難陀等。後來爲佛教最親信之弟子。又有提婆達多者。後來又爲佛之仇敵。又有理髮匠名優波離者。後來得道。對於三藏經成立一事。最爲有功。

當佛在伽地羅城。最重要之事者爲許婦女修行一事。佛曾先在僧會中設比丘尼一班。佛之繼母婆闍波提。與釋迦族中之諸夫人。聞佛說法。甚爲感佩。情願受戒。佛尙未之肯。亞難陀代諸夫人懇請佛始許之。自是僧迦中始有比丘及比丘尼。然細觀之。佛亦勉強許婦女修行。而非甚注意。故不欲有所干涉。只令繼母管理教諭之而已。

關於佛歸故鄉一事。諸書說者不一。或言佛歸在得道之年。或言在得道六年後。或言在十五年後。予竊想佛亦屢次歸來。後世人約而叙之爲一次。謹就婦女受戒一事推之。可知佛歸在得道之年無疑矣。佛自歸舍衛及伽地羅後。又再往王舍城住居三年。至第五年。往閉塞城。時有一名妓

*Amrajanika* 者亦獻一精舍。精舍周圍有廣園深池。後年卽往拘薩比城。至第七年佛升天界。爲天神三十三位說法。并爲王母摩耶夫人說法。第八年佛在近伽地羅城之 *Samsuvara* 山。至第九年。往拘必俾城。以後佛年年來往各處。無所定居。然其在舍衛城者爲多。

總而言之。則佛無有一定居所。上所述各處。亦非是一年中佛常住於此。不過遇雨季。自五月至九年不能他出。則住於此。其餘各月。則與弟子遍往各處。作乞丐的生涯。到處爲家。然所行亦不遠。佛教後來雖有莫大之勢力。遍於世界。然佛祖在世時。不過只佔有印度中部一小小區域而已。此區域佛書稱爲中域。佛固未曾出此界限之外。王舍城。舍衛佛。婆尼羅伽比羅。比舍離。拘鄰彌等。是此區域內之都會。故佛常來往。參照與現今印度區域。則不過恆河流域中之最小部分耳。推是。則所謂佛遊歷遠方之事。盡是虛傳。佛書中雖言佛曾遊南邊北陲。北至 *Anavatappa* 湖。南至錫蘭島。然無何等證據。不過後人附會之耳。南宗佛教之人。欲強證佛祖曾傳教至錫蘭島。其寔佛未曾到也。

佛之生活及行動。一佛之生活及行動如何。無從而知。然搜集經籍中所記載之事。分類而述之。亦可以想像其大概也。

佛早起必披袈裟衣。手持一鉢。因此後世以衣鉢目修行者或出城外。或入村中。踰門乞食。各弟子亦然而各處之善男信女。欲施行公德布施。亦預備飯粥。俟修行者來而供奉之。現今緬甸暹羅高蠻僧侶行乞之事。頗甚盛行。因此各處屬於南宗佛教。而南宗能守其正傳故也。

佛行乞完。則歸精舍。至正午始食飯。日只一餐。自午以後。則佛靜坐沉思。或登壇說法。據佛書所言。則佛說法之時。聽衆以億萬計。不但善男信女與弟子。卽十方之菩薩羅漢。四方之天王龍王。亦畢集云云。此想係附會之辭。無有可信之價值。然證之。南宗最古之書籍。稱聽佛說教之人。常有一千二三百人。此則有理。此一千二三百人。亦有四種人。謂之四衆。一比丘。二比丘尼。卽已出家受戒之。

男女弟子也。三優婆塞。四優婆夷。即在家而有心慕道之善男信女也。說法之時。則精舍伽門無論何人。皆可入內。或欲聞佛講說。或欲就佛道有所質問。佛亦素有答復之誠心。未曾辭却。然亦有時。

佛不出來。命親信之弟子一人出而接洽。畢即入述。與佛知有何等難問題。弟子亦要先入領教。何人講論合道。則佛贊美之。若有誤謬。則佛亦戒責之。

然佛不但有權貴保護及弟子奉事。善男信女誠心信道。而亦有仇視反對之者。其反對之最烈者。爲與佛道相反之各異教教長。佛書總稱爲外道教長。

在外之仇敵者。一、與佛祖立教之時。印度亦有六大哲學派。佛書中稱爲外道六派。或外道六教長。一、富商耶迦葉。乃伽葉婆羅門之一派。守虛無主義。言一切事物義理皆是虛無。無何等寔事。二、尼犍陀主定因主義。謂一切苦樂皆有一定原因。凡屬此派之人。自稱爲不繫無繫。或裸形。卽人與世無何等繫累。不過赤裸如在深林之猛獸然。

三、韓檀多派。係守舊婆羅門教之正傳。謂宇宙間有一位最大神。然散於萬物。故獨神而成爲泛神。四、伽那陀派。或稱韓思迦。守二原主義。謂天地間有一極微及陰力。二者行動而生萬物。五、迦比羅之僧侶派。亦守二原之說。但其所謂二原者。乃精神與物質。

六、瑜珈派。謂宇宙間有一大自在人。用禪定之法。亦可以到此大自在之地位。

此外道六派。佛常被其反對。辰或兩方爭辯。然細察之。則各教長未有對面辯難者。不過各弟子往來傳說。陰相反對而已。或有好事之君。欲會合各師使之爭辯。難其真理。此時佛始出而與仇敵衝突。然凡此事書中不詳述。只言佛用神通之法。而勝未曾述及義理。誠爲可惜。因不知彼各派所責。佛者何事。而佛又如何自解。無論如何競爭。必是劇烈。且佛道成立。而又盛行。可知其辯論之勝矣。

在內之反對者。一佛不但要對付彼外道之仇敵。亦要彈壓在內之反間者。因在僧會中亦有反對佛者。而爲此反對黨之首領者。卽佛之族弟提婆達羅。許多奸謀惡計。皆彼一人所主張。佛書稱爲最陰毒者。蓋彼欲破壞佛之功業。分僧會中之朋黨。以便乘機別立一教會。因彼責佛道紀律不嚴。尙多有放縱之處。然據書中所述。則彼乃一無良心者。因嫉妒佛之大功業。乘佛出行。彼或縱顛象。或轉大石。謀害佛之生命。或時彼給妓女以金。使佯爲有娠。而誣稱佛之通奸。然此等事亦無甚關係。但宜知僧會中亦有人因爲嫉妒而反對佛耳。從古以來。凡有才學有道德出類拔萃者。常被小人妬忌。各教主皆經過此種風波。佛祖亦弗能避脫此常例耳。

佛之晚境——古今享有壽命者。常目覩其親愛及親信之人先死。佛祖亦然。佛弟子中有最親信者二人。卽佛舍利及目犍連。皆先佛而死。又有大功勞於佛教之二國王。亦然。摩揭陀國王頻婆達羅。被其子弑而奪其位。此謀亦佛之族弟提婆達多所嗾使者。彼已得勢。復使王下令禁國人不得與佛往來。甚至有前王之妻犯爲佛點燈之罪。而致之死。然其後王亦悔悟。感服佛道。請佛濟度。佛亦恕諒。許彼從佛教。雖然教會被王之反對經過許多困難。受害不淺也。僑薩羅國王波斯諾。則被其國之掌兵迫使退位。其子繼位。掌兵嗾使提兵往占領釋迦族之土地。佛力盡干涉而莫有効果。佛眼見父鄉祖國爲外國政府所占。奪國滅民。散無可如何。其苦爲何如。故佛之晚年。常多疾病。佛之寂滅——佛之一生二十九年。在太子位居宮禁中。六年爲苦行修行。在深林中。四十五年爲教長。爲世說法傳道。至八十歲則棄世。佛稱書爲寂入涅槃。佛寂滅時。只有親信弟子亞難陀在左右。服事。當佛將寂滅之先。猶爲人濟度。佛是雖至最終之日。尙勵行教主之職務也。

義園阮文桃編輯

# ◎皇越科舉鏡

## ●小引

竊聞江山清淑之氣。鐘爲人才。士夫榮進之途。莫如科目。蓋人才國家之元氣。而科目士子之坦途。半生劬學。一旦觀光榜於場門。碑於太學。冠服旗匾之給。看花賜宴之榮。其欣幸當何如。是以鰲頭中選。世人貴之。虎榜魁名。學者榮之。漢有四科之設。宋有三甲之分。古之人未嘗不以儒科爲求雋之盛典也。我越立國四千餘載。歷自鴻厖而後。素稱文獻之邦。但科舉一途。前此未有。自李朝仁尊太寧四年一〇一五乙卯科。選明經博學試以三場。而擢黎文盛首選。是爲我國科目之先河。至

本朝啓定四年一九一九己未科。合國文法文漢文會試貢士。是爲我國科舉之結局。前後總計凡八百四十四年。其間文式試法沿革詳略。古後不同。或得或失。或盛或衰。與夫歷朝所取中之進士貢士芳名。具載在史書。及各家科譜。歷代名儒。蓋已詳加評論。固非末學淺識者之所敢置喙。第念現今學界更新。科舉停罷。八股詩賦詔表策論之文體。携寮負笈入場分圍之試法。已等之唐虞故冕洙泗敝裙。今而後口所不復道。目所不復見。耳所不復聞。苟不旁採搜求。編而輯之。留爲科場一紀念。恐後世之考古者。將必有文獻不足之嘆。以南人而不詳南事。其能免籍談數典之譏乎。爰於公暇。詳查南北正史野史。各家科錄。及歷朝典例。參考歷代試法。同異沿革。上自李朝太寧乙卯科。下至本朝啓定己未科。編輯成篇。分爲科舉尋源。及科次試法通考。顏之曰。皇越科舉鏡。非敢妄行著作。特不過採訪抄錄。以爲後人考古之一助云耳。知者罪者。容亦付之公論。


  
科舉尋源

科舉之法。其來久矣。歷代行之。得人爲盛。但茹菓者應思樹木。飲河者必思發源。享科舉之結果者。不可不溯科舉之造因。考之中國三代以前。尙未設科。自漢文帝設爲孝廉賢良二科取士。而科目發端。寔始於此。狀元之名。始于唐武后。解元之名。始于宋高宗。舉人之名。見於宋太宗興國元年。九七秀才之名。見於前漢文帝朝賈誼榜眼探花之名。見於元。歐陽詩序生徒貢舉之名。見于唐黃甲之名。見於宋。范成詩序進士之名。見於周。同年之號。見於唐。首科之稱。見於宋。設爲進士宏詞諸科。寔自隋始。設爲制科及秀才科。寔自唐始。殿試貢士之法。自唐武后三年大比之法。始於成周。分爲一二三甲。與夫及第唱名之盛典。傳臚賜宴之加恩。始自宋太宗。分爲鄉會庭試。與夫子午卯酉爲鄉辰。戌丑未爲會。始自明洪武。試文策始於漢。試詩賦始於隋。試以經義四六。與夫定爲三年一試。均始於宋。設爲棘圍選士。與夫定爲糊名彌封。均始於唐。春官之試。見於唐玄宗庭試。不黜。見於宋嘉平委官主試。見於明永樂京官主試。見於明嘉靖。其在本國。則丁黎以前。未有開科試士。自李朝仁宗太寧乙卯四年。一〇選明經博學試以三場。我國科目。寔始於此。狀元榜眼探花之名。見於陳太宗天應政平十六年。一二黃甲之名。見於陳英宗興隆十二年。一三進士之名。見於陳睿宗隆慶二年。一四賜出身。始於李高尊天資嘉瑞十年。一五分甲第。始於陳太尊建中八年。一六賜三魁及舉人之名。見於陳順宗光泰九年。一七會試設於陳順宗光泰十年。一八生徒鄉貢之名。見於黎聖宗光順二年。一九副榜之名。見於本朝明命十年。二〇己丑科。秀才之名。見於本朝明命九年。二一戊子科。鄉試設於陳順宗光泰九年。二二會試設於陳順宗光泰十年。二三殿試設於李英尊大定十三年。二四試進士始於陳睿尊隆慶二年。二五賜出身。始於李高尊天資嘉瑞十年。二六分甲第。始於陳太尊建中八年。二七賜三魁及

定年限始於陳太尊天應政平十六年。<sup>一二</sup>分京塞狀元始於陳太尊元豐六年。<sup>一二</sup>試士之法至陳英尊興隆十二年。<sup>一三</sup>始見進士遊街亦至是年始有分及第同及第始自陳睿尊隆慶三年。定前年鄉後年會始自陳順尊光泰九年。放榜始於黎太尊紹平年間。傳臚始於黎聖尊光順四年。<sup>一四</sup>應點始於黎憲尊景統二年。<sup>一四</sup>進士題名碑見於黎太尊大寶三年。<sup>一四</sup>賜進士榮歸見於黎聖尊光順七年。<sup>一四</sup>賜宴冠服見於黎聖尊洪德二十四年。三年一比見於黎聖尊光順七年。設知貢舉見於黎襄翼洪順年間分正榜附榜及定中格。自黎仁尊太和五年。<sup>一四</sup>始分及第出身及同出身。自黎聖尊洪德十五年。<sup>一四</sup>始送狀元歸第及設置場官皆始於黎聖尊禁挾書代試及檢察場門均始於黎憲尊改附榜爲同進士。自黎聖尊洪德十五年。<sup>一四</sup>同進士寫會榜自黎裕尊保泰二年。<sup>一五</sup>設制科見於黎中尊順平六年。<sup>一五</sup>設士望東閣諸科見於黎神尊永壽年間置宏詞科見於黎太祖順天二年。<sup>一四</sup>庭試不黜始於黎神尊永祚五年。<sup>一六</sup>鄉簿類開始於黎聖尊光順二年。<sup>一四</sup>與夫命充監試設讀卷員子午卯酉爲鄉辰戌丑未爲會必先中鄉貢方得入會試必出身翰林方得充考官皆自黎聖尊始也試場分圍設檯試士必先考覈與夫遇有親戚入試場官須各迴避皆自黎憲尊始也抑又就本朝考之鄉試之設始於嘉隆六年。<sup>一八</sup>丁卯科會試之設始於明命三年。<sup>一八</sup>王午科設副榜始於明命十年。<sup>一八</sup>己丑科設鄉試恩科見於明命二年。<sup>一八</sup>辛巳設會試恩科始於紹治二年。<sup>一八</sup>壬寅六年一科始自嘉隆三年一科始自明命宏詞科之設見於嗣德四年。<sup>一八</sup>雅士科之設見於嗣德十八年。<sup>一八</sup>定會試分數始自明命十年。<sup>一八</sup>增鄉試覆覈見於建福元年。<sup>一八</sup>子午卯酉爲鄉見於明命六年。<sup>一八</sup>辰戌丑未爲會見於明命七年。<sup>一八</sup>改鄉貢爲舉人生徒爲秀才。

及設正副主考。與提調分考。均自明命九年<sup>一八</sup>戊子科鄉三場爲秀才。四場爲舉人。定於嗣德五年<sup>一八</sup>年。五二會四分爲正榜。一分爲副榜。見於嗣德六年<sup>一八</sup>。五三定鄉試解額。見於紹治元年<sup>一八</sup>。四一設會試貢舉。見於紹治四年<sup>一八</sup>。四二劣停揭之例。始自嗣德元年<sup>一八</sup>。四八七項批取之分。見於嗣德三年<sup>一八</sup>。五〇考官奉有旗牌。自明命六年<sup>一八</sup>始。內外科監之設。自明命十五年<sup>一八</sup>始。準訓教已補官皆得會試。自紹治三年<sup>一八</sup>。四三許監生秀才察核入會。自紹治四年<sup>一八</sup>。四四副榜預入庭試。見於嗣德四年<sup>一八</sup>。五一辛亥科解額一舉三秀。見於建福元年<sup>一八</sup>。八四甲申科策問改爲十道。批閱改爲優平次劣。見於嗣德十一年<sup>一八</sup>。四六改爲詩賦策道改題。按長篇。見於嗣德二十九年<sup>一八</sup>。七六鄉試部閱黜落。見於明命六年<sup>一八</sup>。二五乙酉科南北甲乙分圍。見於明命十六年<sup>一八</sup>。三五乙未科殿試策問。題目免其抄寫。鄉用三場卷面頗有識別。均自明命十六年始。河南場改試十月。自明命十八年<sup>一八</sup>。三七嘉定場停罷鄉試。自嗣德十四年<sup>一八</sup>。六一設平定鄉試場。見於嗣德五年<sup>一八</sup>。五二建承天鄉會場。見於紹治三年<sup>一八</sup>。四三設安江鄉試場。自嗣德十七年<sup>一八</sup>。六四甲子科罷河內鄉試場。自嗣德二十五年<sup>一八</sup>。八二壬午科河南一場合試在南定。自同慶元年<sup>一八</sup>。八六丙戌科。我國發科始自黎文盛。一甲始自范公平。二甲始自楊政。三甲始自范子虛。狀元始自阮賢。榜眼始自黎文休。探花始自鄧麻羅。黃甲始自阮忠彥。同進士始於吳士連。中舉人始於胡彥臣。英俊。三甲始自黎玳。副榜始自范文合。會元始自何宗權。三元始自陳碧珊。鄉庭雙元始自黃甲黃濟美。會庭雙元始自黃甲阮久長。開會恩科始自黃甲黃廷佐。本朝鄉試開科。又安場始自胡士提。清化場始自吳文練。京北場始自高輝耀。海陽場始自黎輝篆。山西場始自陳伯堅。山南場始自

武輝達開鄉恩科。直隸場始自裴文理。乂安場始自潘有性。清化場始自黃仕光。昇龍場始自黎惟楨。山南場始自阮文衍。嘉定場始自阮文琦。

合歷代科條試法而觀。則李朝之設科條例未詳。期限未定。陳朝之設科限爲七年。分爲三甲。較與李朝體式稍詳。然尙未精密。自黎以來。申定場規。改良試法。有三場四場之分。有正榜副榜之別。體例最爲精詳。條目最爲備具。隱然有中國明清取士之規則。故科途所得。往往多爲名臣。其經術足以經世務。其文學足以文太平。科目得人。眞儒輩出。德望勳業之美。寔爲不愧科名。足以爲朝廷之盛典。足以爲士夫之榮觀。然後知天下不可無儒學。舉選所貴得寔才。科舉之結果。旣無負於我南。則科舉之良法。未始不可行於後世也。

## 西湖覽古

楚狂

(未完)

戊午之秋。予客申江。壹鬱閑居。最無聊賴。往往明月良宵。風雨陰夜。挑燈靜坐。百憂俱集。雖以滬上繁華。管絃嘈雜。而愁人處此。反覺難過。自念身世飄零。茫茫前路。去國懷鄉之感。屢動于中。俯仰天海。忉怛誰語。嗟乎。予生至此。復何有人生之趣。正方濡淚裁箋。寄與意中人。道旅居之苦。適予友自武林來。招予往杭州遊覽西湖。并就錢塘江觀潮。予聞之欣然。予平生不羈足跡。所到必終日登高臨水。逍遙城市。攷其地之民風國俗。參諸歷史之成敗得失。爲唯一之樂。西湖乃一歷史的名勝也。如武穆之忠。鑑湖之烈。貞節如鄭淑媛。高尚如林和靖。艷名如蘇小小。義憤如伍子胥。如秦檜之奸。賈似道之佞。遺風餘迹。皆在於斯。則此一遊也。藉以弔古。興復不淺。况有三竺香花。六橋烟柳。

滿前佳景。又足以怡目暢懷。其遊亦未嘗無所補。乃收拾行裝。於翌日由上海北站乘車往杭。時正八月十二日也。途經松江。見土人舉網捕魚者甚多。因知古人思尊鱸良有以也。秋風起。天佳景時。吳江水。兮。鱸魚肥。三。千。里。兮。家。未。歸。恨。難。得。兮。仰。天。悲。三。復。此。歌。不。覺。愴。然。有。感。矣。無。何。車。過。嘉興。長安。抵。杭州。城。站。朋。友。五。六。人。已。在。站。等。候。蓋。去。時。已。先。電。告。之。也。予。等。握。手。略。叙。寒。暄。遂。乘。人。力。車。到。西。湖。下。揚。於。湖。濱。旅。館。館。爲。洋。式。陳。設。美。備。而。取。資。頗。廉。前。臨。西。湖。憑。軒。而。望。則。如。畫。圖。一。幅。陳。列。於。前。旅。人。長。途。勞。碌。得。此。佳。處。可。以。休。息。頗。覺。快。適。翌。十三。日。早。餐。畢。由。錢。塘。門。泛。舟。遊。湖。湖。面。積。十。六。方。華。里。有。二。長。堤。縱。橫。其。間。分。爲。外。湖。西。裏。湖。北。裏。湖。三。處。卽。蘇。堤。白。沙。堤。是。也。湖。深。纔。及。肩。而。甚。澄。清。水。味。甚。佳。全。城。飲。用。皆。取。水。於。此。故。有。擔。水。賣。者。〔諺。云。好。飲。西。湖。水。美。貌。似。西。子。〕舟。行。里。餘。見。後。有。一。舟。掠。風。而。來。望。之。似。有。人。相。招。遂。命。舟。子。停。棹。以。待。及。近。視。之。則。學。友。沈。芸。生。君。也。沈。君。天。津。人。與。予。留。東。同。校。五。六。年。今。秋。亦。遊。西。湖。聞。予。來。杭。到。旅。館。相。訪。弗。獲。遇。顧。舟。相。尋。一。見。甚。歡。互。道。別。後。情。緒。因。記。昔。年。客。居。江。戶。日本東京城名聯袂。到。日。光。日本名勝泛。遊。山。中。大。湖。海。天。嘯。傲。雲。聳。立。湖。中。旁。無。聯。屬。故。名。捨。舟。登。岸。拾。級。而。上。便。爲。巢。居。閣。閣。乃。宋。林。逋。隱。居。時。所。建。也。湖。外。青。山。庭。前。修。竹。宛。然。如。昨。而。園。荒。徑。斷。臺。古。階。斜。綠。苔。滿。目。矣。閣。內。有。聯。云。『公。生。幾。何。年。長。留。半。閣。閒。亭。權。與。寒。梅。成。眷。屬。我。來。數。千。里。憑。弔。孤。山。坏。土。好。從。明。月。認。前。身。』予。與。同。人。登。閣。上。大。呼。爲。戲。輒。有。回。響。蓋。聲。浪。爲。山。所。阻。遂。折。而。返。故。也。閣。傍。有。梅。林。及。林。處。士。祠。馮。小。青。墓。馬。菊。香。墓。等。祠。有。聯。云。『華。表。千。年。遺。蛻。可。聞。玄。鶴。語。孤。山。一。角。暗。香。先。返。玉。梅。魂。』再。過。爲。放。鶴。亭。有。清。聖。祖。南。巡。時。

所題『放鶴』扁額亭中勒舞鶴賦有聯云『梅花已老亭空鶴處士長留山不孤世無遺草真能隱山有名花轉不孤』等亭南有處士墓墓碑題宋林和靖先生墓墓表有聯云『孤嶼含光千秋高隱巢居潛德百代清標』噫彼真個高人與此大好湖山終古不朽可羨已墓傍有鶴塚再過爲林典史墓典史字汝霖洪揚之亂以一末吏獨守孤城閨門殉難葬於此并有祠在焉祠有聯云『勁節冷梅花叢祠坏土足千古芳鄰結孤嶼處士忠臣是一家』荷聖代榮褒祭有祠葬有墓史亦有書十里湖光傍蘇白堤前魂歸有所爲吾曹冠冕夫死忠妻死節婢復死義一門血淚經岳子廟後神對無慚』閨室挺孤忠我亦臨風悲縣尉叢祠鄰處士天留此地厚林家等再過爲林社侯官林啓光緒辰爲杭州知府治績卓著興學育材民不能忘死後葬孤山墓側建林社以祀之有聯云『清福幾身修伴逋仙高隱太尉孤忠一嶺梅花尋冷趣遺風三代上繼白傅呼賓蘇公判事兩堤楊柳繫謳思』等沿路往孤山東畔有平湖秋月亭亭有『海天一碧』扁額佳聯甚多如『憑欄看雲影波光最好是紅蓼花疎白蘋秋老把酒對瓊樓玉宇莫孤負天心月到水面風來』勝地重新在紅藕花中綠楊陰裏清遊自昔看長天一色朗月當空『玉鏡靜無塵照葛嶺蘇堤萬頃波澄天倒影冰壺清濯魄對六橋三竺九霄秋淨月當頭』『萬頃湖平渾似鏡四時明月恰宜秋』等亭北有蓮花庵及陸宣公祠祠祀唐陸贊有聯云『兩廡薦馨香或銘名相謨猷大儒學問六橋攬風月猶似川雲宦迹烟雨家鄉』其西有吟香別業及蘇文公祠祀宋蘇軾祠有聯云『一生與宰相無緣始進時魏公誤抑之中歲時荆公力阻之卽論免役溫公亦深厭其言賢奸雖殊同悵君門違萬里到處有西湖作伴通判日杭州得詩名出守日潁州以政名垂老投荒惠州更忘情於佛江山何幸

但經官轍便千秋。自蠻鄉瘴海遊歷而還勝地重臨憑管領六橋風月與白傅林逋後先相望崇祠近接怡平分一席湖山再進有照膽臺祀漢關公及西湖公園園昔爲清帝離宮今闢爲園依山而築亭欄屈曲花木參差拾級而上直達歲寒岩岩頂有四照亭在此與同人小酌北望寶俶塔西覩雷峯俯瞰白沙堤蘇堤等湖光山色氣象萬千舉杯相屬曰故鄉無此好湖山今夕只可談風月流連竟夕樂而忘返鼓棹而歸則已黃昏燈火齊明旅館前一帶依然不夜城矣到旅館侍者以有客來告急登樓觀之乃知家人由粵來申視予病適予已愈遊杭特來相訪喜甚是夕天氣炎熱復到館前公園乘涼夜月澄清湖光隱約四圍山色雜以電燈湖中舟子高歌款乃數聲餘音嫋嫋不絕如縷予不覺悄然憶昔年夜渡安舊江聞舟子棹歌悵然不寐今則屏嶺雲關縹渺天外而此如泣如訴如怨如慕之餘響復擾予耳安得不生思鄉之悲乎華友白蘭君豪爽士也見予不樂慰曰衆人皆樂君何獨悲豈不孤負此湖山佳景明日予當偕家人來作第二日之閑遊爲君等解慰耳遂各歸寓

(未完)

### ◎文苑

#### ▲春首請安表兩則

寧平巡撫徐淡大人

啓定五年庚申春首寧平省臣徐淡稽首頓首謹 上言茲恭遇元旦令節上章紀曆協與涪灘陽和布韶普及崖谷古長安是清外鎮今天下於辰爲春欽惟我 皇上處泰吉亨 乘乾統始弘敷政聲於南服 思冠治化於東洋庶績其凝 一人有慶臣職司布化念切依 光慶

天家之歲籥常春

聖壽逾長

仙壽逾長

裕中圻並進北圻並進

王春一統義重尊親

臣

不勝翹仰懽頌之至謹

奏

啓定六年辛酉春首寧平省

臣徐淡稽首頓首謹

上言茲恭值元旦令節玉琯噓和金甌奠固辛

有更新之象太歲在酉曰重光辰逢開正之初

天子當陽以繼治寧平古長安之巨鎮啓定今

甲曆之六春欽惟我

皇上位正元辰

氣和端月當五洲秉公理勝強權之日正一人握乾

綱開泰運之期大來吉亨令終有淑

臣等職司布化念切颺風依斗而望

京華夢繞香屏之

宮闈獻歲而受正朔春回雲翠之草葩

伏願

保合太和

恢張新政惟

皇福受于

母福

而用辰

敷錫俾北圻同與中圻而並進文明三百六旬之玉燭常明人慶泰交之盛會億萬斯

年之仙籌疊錫

天申保佑之鴻禧

臣等下情不勝鳬藻翹仰之至謹

奏

秀才鄧德璣

奉抄

### 故山西省按察使阮望公遺稿

故按察使阮大人生辰對於本誌感情極厚。大人蒞太原辰曾一次訂購本誌五十報份。以分給轄內閱者列位觀此則獎勵言論家之觀念概可想見。故本誌曾於報首列入恩人欄內以銘感。大人厚意去臘大人以壽終于山西落所。接此訃音不勝悲感。欲搜求大人遺稿登諸報。仍僅得左謝表兩則。敬奉錄登並略叙大人之歷史如左。

大人出自世閥。秉性清白。生於西曆千八百七十一年。至千八百九十七年丁酉科試中舉人。千八百九十八年蒙補太平候補。仍由河內候補場學習。千九百年考中第二名。補金山知縣。繼陞授翰林院檢討。千九百二年復陞翰林院編修。千九百四年改授安謨知縣。千九百七年陞翰林

院著作。翌年因有捕獲賊黨魁之功。獲記補知府。仍改授金英知縣。於蒞金英辰。又合與兵官陞翰林院侍講。並權河南按察使。千九百九年改授青廉知縣。翌年改授義興知府。因有護堤之功。得獎錄一道。千九百十二年補授儒關府知府。陞翰林院侍讀。千九百十三年改授安沛按察使。去年恭遇謝恩。千九百十九年改授安沛按察使。去年恭遇皇太后五旬慶節。蒙賞飛龍金錢。又於是年改授山西按察使。於一千九百二十一年又陞鴻臚寺卿云。

## ●陞按察使謝恩表

侍講學士領太原省按察使

臣阮望頓首稽首謹

奏爲恭謝

皇恩仰祈

睿鑒事伏念

臣家

本清寒學僅科舉逢辰多難。有母倚閭。尸素一官。幾十年歛歷四縣。又四府。雖政無他異。不登魯桑。張麥之編。而邊自請行。曾飽朔瘴蠻烟之味。太原今日建昌。召臣寵之。以陳臬之行卑。之以專城之重地。屢經於兵燹。民半雜於土儂。豈以臣艱難險阻之備嘗故。欲別槩根錯節之利器。臣卽日就道。單車前驅。目擊梟逆兇橫之餘力藉。保護平定之速撫。此半非城郭戰血。尙見流腥。除非遙伏德威。元氣安能復振。惟外臺職非方面之寄。而臣兼之。况新律行於蠻悍之民。尤所難也。恩深滋懼。責重難辭。茲蓋伏遇

皇帝陛下

天與人歸。內修外治。勸廉則首下。

新詔行政惟圖用舊人致使愚臣竟有是命因念臣御史故親父在日逮事我

翼尊英皇帝盛朝每語及當辰知遇之恩常勸臣傳家忠厚之學嚴訓猶昨慈養又違雖無繫累於心愈覺感激非分臣惟有凜臣咫尺在竭江湖憂苟治獄而非才必叢謗之交至峒氓何以約束林禁何以遵循何以安屯田之人心何以擴礦山之地利矧變生匪測狴牢未淨之妖塵亦術妙羈縻臣窟方營之狡免莫非臣卽莫非土豈爲崖谷而春遲治亂民猶治亂繩願矢廉鑣之日始所有臣下情不勝激切屏營之至謹奉表陳謝以聞

### ◎南郊禮成賀表

德之心民無得而名惟有仰 朝廷教孝之治 鄭焉 神假觀有孚顯 昭事無間於初終  
 錫類又遍於遐邇公族公姓若臣若民樹之風聲施及黃耇一舉而三善備願恭紀 南郊大禮  
 之告成天下如一家春復獲覩 北狩威儀之盛典 臣身居邊塞心戀 闕庭承戎莽之餘每慚尸  
 素拜 恩詔之命倍凜 威顏雖踰踰濟濟無將事勞而尊尊親親本平日學曰 天子之孝也  
 以視虞郊譽周郊稷而有光承 后皇之惠兮合與河如帶山如礪而俱永 臣下情不勝鼓舞懼忻  
 之至謹奉表稱 賀以 聞

### ● 辰 談 世 界 之 部

▲法新內閣之行政方針——法國巴里安內閣自十六日告成。以二十日對參衆兩院發行政方針。其關於內政。若陸軍。財政。經濟。殖民地。社會諸端者。大都爲常套語。關於外交者。路透電錄其全文。以其於全歐政治頗有關係也。攬其大旨。可分爲數節。一曰對德強制解除武裝。要索賠款。庶足以保障法國之安甯。恢復財政之平衡。一曰對英對意保持密切一致。以共同解決全歐未了事件。一曰對美希望予以有力之濟助。以修補瘡痍。一曰對比希望訂立兩國經濟協約。以繼原有軍事協約之後。一曰對俄不承認其勞農政府。不干涉其內政。而不容其出境攻擊他國。非俟莫斯科政府有眞可代表俄人。並承認前政府債務之表示時。不與恢復邦交。凡此數端。皆與前年之政策無甚差異。今據報載。摘其關於外交之文。如左。——政府深知責務之重大。吾人雖有對德和約。但尙未可有認爲穩固耐久。可保障法國重要權利與其安甯之真確。公正和平必俟德國解除武裝後。吾

(辰談) 世界之部

七二

人始克獲此保障也。此爲法國安危所繫之問題。亦爲政府最神聖之第一責任。爲吾人所未可曠廢者也。賠償也。災區與實業之恢復也。財政之復其平衡也。必俟德國履行其和約所規定之賠償義務而後可成。吾人於此應得協約國之贊助。且應以法律與公道之名義請其贊助。吾人之所以戰者爲法律與公道。而能獲勝利者亦因法律與公道。今和約之執行。即所以示大戰之懲戒與勝利之尊嚴也。德國固敗。但其礦產與其工廠無一被毀。其生產力安然無恙。其匯兌市面因戰敗而發生者。適予德國以經濟膨脹之絕大希望。質言之。德國之迅速復元。可預覩焉。吾人决不稍施阻力。以礙其復元。但若啓釁者失敗之後。居然興盛。以與戰勝者破壞之情形相比較。則天良上公道之謂何。此法國所不能甘者也。共和法國旨在和平。法國將以和平方法以誘令德國施行其條約上義務。法國所索者悉爲在情理上所應索者。若不可能者。則非法國所求也。吾人目的惟與協約國密切一致。始可達之。密切一致者爲解決種種問題之基礎條件。今和平之所以未切實恢復者。卽此種種問題爲之中梗。吾人應竭其能力以維持此密切一致而發展之。英國爲吾人之至友。且爲與國。吾人深信其將盡其力之所至。以助吾人英法兩國間不復有任何事物可毀傷之。蓋兩國在烽火連天共同流血之戰場中。已知已知彼。相互之敬愛。視前有加矣。英法交歡。則世界和平可保。仁何問題。無論其爲對德和約之行爲。或爲近東事件之解決。或爲中歐和局之維持。抑爲吾人與東歐人民之交際。要之英法間之密切盟好。實爲吾人對外政策之基礎也。以言意國。當大戰時。兩大拉丁民族。國業已邦交鞏固。今當勉力愈使之親密。吾人想羅馬政府對於與法國極有關係之間題。必持友好之態度。與巴黎政府前於解決亞德里亞海問題時所抱之態度。同一友好者。

也。法美間之友交。與兩國共同戰史上莫可磨滅之紀念。可擔保兩國之永好無間。不獨戰辰如此。且平辰亦然。吾人確知美利堅友人對於吾人之修補瘡痍。定予以極有價值之助力。凡此瘡痍。即決定大戰勝利之具。而在此大戰中。美人與吾法人固並立奮鬪。以作文化之保障焉。吾人與比國。因共同關係。有共同防禦之軍事協約。兩國間無可疑問之利害關係。已闢兩國經濟協約之途。此約乃兩國所共求。不因其財政制度之差異而掇也。法比人民。互相犧牲。盟好愈堅。爲兩國安寧計。爲兩國經濟發展計。此約皆屬必要者也。對土和約。現爲急務。吾人與協約國關於戰事後之談判。則在和平進行中。以解決近東問題爲響向。至於大戰初期俄國爲世界自由而作之犧牲。吾人並未忘之。俄人慷慨流血。吾人猶感激之。但依目前事勢。吾人尙未能承認勞農政府。非俟莫斯科有真可代表俄人。並承認前政府義務之政府。吾人不能與之恢復邦交。吾人固未可干涉俄國內政。但決不能容勞農軍隊離其疆界。以攻擊吾人之與國也。以上爲吾人外交政策之方針。請予同意云云。

### ▲巴黎首相會議

自一九二〇年一月十日和約調印後。凡爾賽和會即告終止。各國代表紛紛回國。其名義上之繼承者。爲巴黎之大使。

會議。然大使會議。在若有若無之間。其所處之地位。前固不能頽頏。一九一九年之凡爾賽和會。後亦不能媲美。日內瓦之國際聯盟議會。然則一九二〇年之歐洲政治重心。安在乎。曰。在首相會議。首相會議無法定之組織。法辰而祇以英法兩國之首相組成。辰而意比總揆或其外相。大使亦列席焉。日本之駐英法大使。有辰亦分佔一席。蓋上紹一九一九年凡爾賽和會中之高等議會。或稱五大議會。其開會地址與召集辰期。亦無定則。如有重要事件。或兩大意見差池之時。則偶一召集會議。時間至短。而其影響於全歐政治者。極大。若倫敦會議。若桑里摩會議。若海愛斯會議。若波洛會議。若北京會議。若斯巴會議。皆此類也。性質雖互有不同。而其爲歐洲政治舞臺上之重要角色。則一。自去夏斯巴大會以後。首相會議四字之不見於海外電訊中者。五月於茲矣。至今年一月二十四日。又有所謂首相會議者。聚集於巴黎之外交部。讀者如欲知其性質所在。請先述其成因。

初法以德國藉口防禦紅軍之侵入。在東普魯士巴威略爾境內徵集民團。盛事訓練。東南兩方邊界之要塞。不肯拆卸。應繳之戰品。未盡交出。乃由福煦上將繕成報告。政府致牒催促解除軍備。履行和約。德人覆文。仍以自衛爲詞。意頗游移。法益憤激。大有不從則擴張萊茵河畔佔領地域之勢。會英政府意見稍異。法政府欲其慎重邦交。乃納英人會議對德強制解除軍備之請。并定一月十九日爲開會之期。此即巴黎首會議之成因也。旋以法國內閣更迭。展期於二十四日開會。開會第一日。當然以強制德國解除軍備爲最重要之議題。英法兩國意見。當然微有參差。英代表主張先與德人會商。然後提出協約國之最後決議。以免德國應付爲難。另生他種枝節。法國福煦上將陳述德國不履行和約中解除軍備條款之情形。意欲感動英相。使漸趨於強硬也。他國代表從中調解。卒由大會指任軍事專家。另開會議。會同草擬辦法。聞專家會議之結果。規定七月一日爲德國履行和約中解除軍備條款之最後日期。惟條款中之三分之二。須在三月十五日履行完畢。自衛民團之解除問題。亦不分別處置。云英法兩國對德嚴寬程度之不同。惟此辦法爲能週旋於其間。一俟議會決定。即將以議定書或牒文照會德國矣。

巴黎首相會議議題。除強制德國解除軍備外。其次要者即爲賠償問題。賠償問題雖在去夏波洛業比京斯巴諸會場中。迭次磋商。而賠款確數。迄未規定。此屆首相會議之第三日(二十六日)討論此案。英法兩國所提之數額。終不相合。法國謂如欲其承認英國之數額。則須獲得數種讓與權。以爲交換條件。所可望同意者。惟令德國每年繳付賠款五次之議耳。二十七日又議此案。英國主張立即制定賠款總額。法國則欲制定每年應付之數額。兩首揆終未商得同意。午後指派委員會調查。除解除軍備及賠償之兩案外。爲奧國經濟改造問題。以其與中歐經濟狀況相關。指交委員會調查。茲據一月三十一日之巴黎電信。則這會議之結果如左。

▲三十一日巴黎電——巴黎會議初雖稍有困難。略起爭論。但其最後結果。據與會之某君云。已使人人大滿意。其所討論之問題。非已得最後之解决。即已有可成就。最後解决之決議。即二月二十一日之倫敦會議。將考慮近東問題。接濟奧國之議案。其大綱業已通過。毗連勞農俄羅斯之國。非已被明證。即已被通告。協約國準備予以承認之條件。解除軍備問題。今已解决。其所依據者。爲福煦統帥報告等中所主張之辦法。賠償問題。今亦不復存在。蓋絕對確當之辦法。今已擬妥。德國苟

不接受之。則惟有受協約國之處分而已。德國義務如不履行。即不免於嚴峻之懲戒。凡此數端。皆爲巴黎會議之重要結果。與世界最後和平之成立極有關係。法國獲此成績。大賴白里安之力。二月二十八日之倫敦會議。將召集德代表與會。促其決定德國能否依據現所擬定公允合理之條件。與協約國恢復往日關係。今德國報紙不獨不感念協約國之溫和。且忿詈不已。但協約國所已擬定之公文。將顯示協約國並無摧殘德人或絕其食之意。蓋賠償計畫。以德國恢復元氣爲基礎。苟摧殘之。則妨礙其恢復也。

▲三十一日巴黎電——比京大會之專家。遵高等議會之命令。已定期二月七日與德代表重行會議。協約國專家現復彼此接權。規定告成大會事業之程序。

▲三十日巴黎電——法報皆歡迎協約國大會之結果。而尤喜德國離間協約國之企圖。未能成功。

### ★日本辰事

此次美日交惡之聲。聞於各報。雖事後已設法調停。然因此而能鞏固和平之邦交與否。則今日殊難預測。關於此次交惡之原因。不問亦人人皆知。其爲關於太平洋商權之問題。蓋日美兩國對於太平洋商權互爭其將來之地位是也。故此問題未解决之前。則兩國之和平。吾人亦未敢引爲信確。茲據報載。摘錄日政府現辰之大政方針如左。

▲西一月二十二日東京電。今日帝國議會開會。首相原敬宣布大政方針。其大要如下。一九一九年媾和大會之結果。日本關於輔助世界和平之責任。愈形增重。無待復言。故爲充塞國力。伸張國威。計仍需全國之一致努力。一國對外之發展。端賴國力之膨脹。此爲不可諱之事。寔故政府就時勢之必要。財力所能及。依此原則。施行國政。關於外交。所可慰者。今與各國均和好相處。雖有如加

(辰談) 國界之部

七六

州及間島等未了之間題。然前亦有之。不足爲異。加州問題。美日兩國當局現正互以誠意從事討論。政府豫料可得滿意之解決。至於間島問題。則日本派兵原係暫辰計畫。爲自衛所必要。蓋渾春匪徒曾焚我領事署。殺害我僑民也。中政府原負維持該處治安之責。一俟該處騷亂平復。日政府即將照最初之聲明。撤退軍隊。今除留駐一支隊外。餘兵業已撤回。至於其他問題。政府切欲繼續增進與各外國之邦交。擬悉以公正態度處置之云云。

### ▲英日同盟與日本之政策

中美新聞社譯英文導報載辛博森氏文云。有許多人欲知日本今日究處何地位。及其前途如何。按日本之地位。戰後有強處亦有弱處。強則因其大敵國俄羅斯已暫入於孱亂之地位。在東方已失其勢力。弱則因其所持政策大爲世人所不贊。彼之戰中所獲商利贏業。爲數極鉅。其所有儲備金。以現時滙率計之。不下三萬萬磅。合日金二十二萬萬磅。較一九一三年幾增至五倍。日下存金最多者爲美國。次卽爲日本。歐洲之存金於五年戰爭中已流失殆盡矣。日本此項存金中。其大部分現安藏於本國國內。此外又在倫敦存有大宗匯兌預備金。計六千萬磅。又在美國亦有存金。東京政府竭力積儲存款。足徵其有所預備。以防或有變故發生也。雖然日本之出口貿易。則因其對美之絲業崩潰。大受打擊。又外國船舶及工廠之競爭。亦於日人大有影響。去年其進口及出口之比較。竟相差至四萬萬元日金之鉅。若此種情形繼續不已。則不免發生兩事。一。不得已用戰爭以解決其政治地位。二。改變其對中國太平洋之政策。而允許裁減武裝。蓋爲經濟所迫。勢必出於此。兩途中之一途也。日本之預算十五萬萬元日金。今日幾以一半用於軍備。此斷非其民力所能擔負。至其海軍建築案。尤足爲一種亂源。彼之計畫。欲造超無畏艦八艘。每艘載重四萬噸。再造超巡

洋艦八艘。其砲力噸數稱是。此於遠東之前途。寔大有關係。亦於日本本國大有關係。英日同盟之運命。將由英屬各國於六月間在倫敦開會議以決定之。將來如何決定。必於日本之海軍案等有重大之影響。就實際言之。英日同盟在世界寔在政治上。較國際聯盟會加倍重要。因英日同盟為各強國戰鬥上之關鍵故也。倫敦會議之如何決定。目下未能知之。但至會議將開之時。美國若發出正式通告。謂英日同盟若不取消。美國不願加入國際聯盟。則太平洋之前途。將於倫敦會議中解決之矣。日本之全部運命。純恃英日同盟之續訂。因日本雖明知英國決不至拔刀以向美國。然祇須決定英國能為三事。日本即敢自己反抗美國。三事維何。一立於旁觀地位。如日俄戰爭。辰然二於和約中為一名義上之同盟國。三保持中國勿乘機攻擊日本之戰線。而驅逐其漢口山東滿洲等處之駐兵。以上所述。即為遠東辰局之關鍵也。

## ○中國辰事

據西一月下旬中國報界之通信。則北京政府對粵之政策如左。

孫伍唐二次赴粵。不統一之弱點。軒豁呈露。當局欲謀統一。而對於西南。又不能戰。則其出他種之手段。以破壞之。此固在人意料中者。以愚所知。大略如次。

財政問題為百政之根本。北之困難在此。南之困難亦在此。此間得廣東探報。彼方新鑄毫洋流通市面。以濟政費軍費。然察其實質。銀質僅居四成。因認為一種惡幣。足以驅逐良貨幣者。恐紊亂全國之幣制。特密電各省。查察禁其流通。此一事也。關餘之款。前以岑伍交惡。存於外國銀行者。各不

(辰歲) 中國辰事

七八

能提。今則伍再赴粵。自謂恢復以前地位。且岑之軍府消滅。可以取消前案。提出應用。政府則謂軍府取消此款當然爲政府用。一電香港。渝鳳韶再電上海。許沅令其主持訴訟。提供政府而訴訟手續煩難。許沅復電。請政府另派代表交涉。並請派軍府時代原經手之章士釗赴滬爲代表。然章已急欲赴歐。雖已派林行規赴港代表政府訴訟。而進行不知何若。此又一事也。

軍械之製造亦作戰之要素。前軍府未取消時。陸榮廷欲於廣西貴縣設一大兵工廠。向美商訂購機器一部。價銀二百萬元。曾經莫榮新交價八十萬。當訂購時。以造船爲名。未提及製造槍械之用。及機器運到香港。前軍府業已取消。陳炯明業入廣州。擬即將此項機器截留。以充製造殺人利器之用。然陸榮廷方面。以此項機器既無路可以運入廣西。百二十萬又不易籌措。更不願間接資敵。乃以此事報告中央。由中央商駐京美使致電粵中美領。將此機器扣留。免增益粵中之武力。助長中國之內爭。而近日消息。則有陳炯明交價六十萬。將提取此種機器之說。又謂已轉入英商之手。政府以此事尙無著落。非常焦急。正欲進行交涉也。

至於廣東方面。自以孫爲主體。而實力則在陳。政府對於孫陳。早定一聯陳驅孫之政策。暗中進行。不一而足。外間所傳孫陳之齟齬。與陳炯明有代表北來。皆由此說而起。然效果如何。則尙未有所表現。而粵東以外。如對川桂。既發表明令。對湘之接洽。近正從事活動。對黔亦然。對滇則利用顧品珍之與唐繼堯不合。而使人與唐聯絡。已有代表之往還。則又欲於西南各省著手。以披其勢者。現效果依然渺茫。而陸榮廷已兩電辭粵邊督辦。不敢就任。川中反昌言自治。而劉存厚離成都之耗。已見於川人之私電中。黔湘亦游移其態度。不過政府之進行。尙未中止耳。

當川人自治聲中。有一爲川人所不願者。卽楚岸食鹽之開放是也。從前湖北之上五府。皆食淮鹽。洪楊戰役以後。以淮鹽不能運到。乃改食川鹽。及民國六年以後。川中戰事迄無甯日。川鹽又不能運至宜昌沙市。於是。有借運蘆鹽之舉。最近乃改爲開放楚岸。自由競爭。熊克武曾來電抗爭。川商亦迭電反對。尙無結果。而川東以自治聞。聞劉湘代表張再前在都中。與劉存厚代表張毅。各有各執一辭之爭議。蓋二人皆視自流井之鹽爲川中之餉源。劉湘且曾遷稽核分所於重慶。而劉存厚則欲遷至成都。特楚岸之開放。則川人所同聲反對者。以川鹽貴而蘆鹽淮鹽賤。競爭必不能勝。而川中人言。川鹽恃楚爲尾閭。銷路一塞。則數十萬鹽戶必將失所。其激烈者。且詆爲政府之封鎖政策也。

中國徐樹錚活動於庫倫之信。——徐樹錚自黃錕吳佩孚推倒後。避居某使館。忽然失蹤。人人聞之。知其猛虎既逸。必然大有舉動。果然潛通蒙古連絡俄黨與活佛。起釁於庫倫地方。據報載。庫倫於二月四日失陷。褚其祥一旅得徐樹錚之煽動。致無法維持。團長高在田陣亡。其部下附蒙陳毅之軍隊。不得不退居叨林。現在庫倫大權。由活佛操之。愛琴男爵爲總司令。大唱排漢計畫。於八日已宣佈全蒙自主。觀此則知中國現日擾攘之局。不特國之內部云。

雲南之辰局。——顧品珍前此受唐繼堯派往攻川之命令。仍中間率師回滇。欲與川省一致行自治之計畫。顧氏欲避奪唐地位之嫌。駐畢節者累月。而唐乃予顧以冬防督辦。以尼其行。顧遂於西上月二十日進駐宣威。二月五日在宣威誓師。以討唐。唐又於九日離雲南省城。取道蒙自以往安南。顧則於十一日趕到滇城。現日雲南之大權。操於顧品珍之掌握。仍顧氏僅以軍長名義治滇云。

## ●國內之部

### 全權龍大人南返及各首憲之遷調

聞東法全權龍大人已於西三月初一日落船返東法。大人此次回法。提請於屬地部募債款。以營築中圻自乂安至廣治之一條鐵路。使南北交通之線得以聯絡。因部長沙露大人對於我東法亦熱心於擴張人民經濟及交通問題。故極力贊同全權大人之議案。且以這議案提出議院。獲議院通過。而東法之募債款。遂能告厥成功。此次大人南來。必然起手續辦中圻經年未完之路政。竊想不久南北一條鐵路。亦及早聯絡。而中圻社會進步之景象。亦因之而有改觀之望矣。前副全權蒙大人回法。今亦南返。仁北圻統使之職。露邦大人則寔授東法統使銜。仍充東法副全權之職。博稽大人則寔授中圻欽使大臣。約數月間。亦由法國落船南返就任云。

### ◎京中之郊禮

聞京中已預備舉行 南郊大祀典。禮部臣已奉 諭遵飭。及商貴使座知炤。今年郊禮且

爲隆重云。

▲雲南督軍唐繼堯及日本巡洋艦之經過北圻！今年春首北圻之外賓蒞止者一爲雲南都督前唐繼堯及日本巡洋艦。日本巡洋艦停泊海防港汎者約一禮拜。軍官及兵士曾往河內遊觀各地。遊觀後另離港別往雲南都督則由牢該乘車往河內逗留數禮拜遊觀各地。又繼往海防遊觀廣安各地。聞已預定於西三月初旬乘河內船往香港歸中國。且唐氏蒞滇日久。近日顧品珍掌握大權。而繼堯遂挈眷離滇。姍然一去。聞中國各報所傳載。則或云繼堯此行乃往廣東參列軍政府。或云公將往上海並遊日本及歐美云云。二說未知孰是。姑誌之以觀其後。